

Ո Ր Ո Շ ՈՒ Մ
վարչական գործի վարույթը կասեցնելու մասին

«08» նոյեմբերի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով մաքսային ձևակերպումների մասնագետ Խաչիկ Կարենի Սմբատյանի վերաբերյալ նյութերը.

Պ Ա Ր Զ Ե Ց Ի '

ՀՀ ՊԵԿ հետքացթողումային հսկողության վարչության աշխատակիցները իրականացրել են արտագնա մաքսային ստուգում «Աշոտ Մանուկյան» ԱԶ-ում և հայտնաբերել, որ «Աշոտ Մանուկյան» ԱԶ-ի անվամբ 12.05.2021թ. թիվ 05100010/120521/0026445 և 30.04.2021թ. թիվ 05100010/300421/0023595 ապրանքների հայտարարագրերով ՀՀ ներմուծված և ԵԱՏՄ ԱՏԳ ԱԱ 5305 00 000 0 ծածկագրով հայտարարագրված «ՀԵՂԵՆԿՈՒՅԶԻ/ԿՈԿՈՍ/ՄԱՆՐԱԹԵԼԵՐ/ԲՈՒՅՍԵՐԻ ԱՃԵՑՄԱՆ ՀԱՄԱՐ/» ապրանքատեսակը հայտարարագրվել է ծածկագրի վերաբերյալ ոչ ճշգրիտ տեղեկություններով:

Արտագնա մաքսային ստուգման ժամանակ ընկերության կողմից 04.08.2021թ. ներկայացված հայտարարությունից և տեխնիկական նկարագրությունից պարզվել է, որ հայտարարագրված ապրանքը հանդիսանում է կոկոսի մանրաթել-կոկոսի հիմք (սուբստրատ)՝ բույսերի աճեցման համար, բրիկետավորված վիճակում (պրեսավորված) և օգտագործվում է ջերմոցային տնտեսությունում որպես բնահող բույսի աճեցման և սնուցման համար:

ՀՀ ՊԵԿ մաքսային հսկողության վարչության «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» 11.08.2021թ. թիվ ԱԴՈ-21-000070 որոշման համաձայն՝ նշված ապրանքը հանդիսանում է «կոկոսի մանրաթել-կոկոսի հիմք (սուբստրատ) բույսերի աճեցման համար» և դասակարգվում է ԵԱՏՄ ԱՏԳ ԱԱ 1404 90 000 8 ծածկագրով (մաքսատուրքի դրույքաչափ՝ 8%):

Իրականացված արտագնա մաքսային ստուգման արդյունքում 08.09.2021թ. կազմվել է թիվ 0055-Ա ստուգման ակտը և «Աշոտ Մանուկյան» ԱԶ-ին առաջարկվել է կատարել վերահայտարարագրում ԵԱՏՄ ԱՏԳ ԱԱ ճշգրիտ ծածկագրերին համապատասխան՝ վճարելով պակաս վճարված մաքսային վճարները: Արտագնա մաքսային ստուգման նյութերն ուղարկվել են ՀՀ ՊԵԿ իրավաբանական վարչություն մաքսային կանոնների խախտման հատկանիշների հարցը պարզելու համար:

Նյութերի ուսումնասիրման արդյունքում պարզվել է, որ 12.05.2021թ. թիվ 05100010/120521/0026445 և 30.04.2021թ. թիվ 05100010/300421/0023595 ապրանքների հայտարարագրերը ներկայացրել է Խաչիկ Կարենի Սմբատյանը: 2021 թվականի սեպտեմբերի 14-ին թվով 2 Ա/Հ-ներում ապրանքի ծածկագրի վերաբերյալ ոչ ճշգրիտ տեղեկություններ ներկայացնելու փաստի կապակցությամբ ՀՀ ՊԵԿ իրավաբանական վարչությունում Խաչիկ Կարենի Սմբատյանի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է նրան:

Վարչական գործի ընթացքում պարզվել է, որ «Աշոտ Մանուկյան» ԱԶ-ի կողմից ՀՀ վարչական դատարան է ներկայացվել վիճարկման հայց՝ 11.08.2021թ. թիվ ԱԴՈ-21-000070 որոշումը, 08.09.2021թ. թիվ 0055-Ա արտագնա մաքսային ստուգման ակտը, 08.09.2021թ. N0055-Ո-1 և

01.04.2019թ. N0015-Ո-1 որոշումներն անվավեր ճանաչելու պահանջի մասին, որը ՀՀ վարչական դատարանի 05.11.2021թ. թիվ ՎԴ/10614/05/21 որոշմամբ ընդունվել է վարույթ:

«Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «ա» կետի համաձայն՝ վարչական մարմինը պարտավոր է կասեցնել վարչական վարույթը, եթե անհնարին է տվյալ վարույթի արդյունքում ակնկալվող վարչական ակտի ընդունումը մինչև սահմանադրական, վարչական, քաղաքացիական կամ քրեական դատավարության կարգով քննվող գործով որոշում (դատական ակտ) կայացնելը:

Նկատի ունենալով, որ «Աշոտ Մանուկյան» ԱԶ-ն ՀՀ ՊԵԿ հետբացթողումային հսկողության վարչության կողմից 08.09.2021թ. կայացված թիվ 0055-Ա արտագնա մաքսային ստուգման ակտը և 08.09.2021թ. «Մաքսային գործի ոլորտում» թիվ 0055-Ո-1 որոշումը վիճարկում է դատական կարգով, ուստի «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «ա» կետի հիման վրա վարչական վարույթը ենթակա է կասեցման մինչև վարչական դատավարության կարգով քննվող գործով վերջնական դատական ակտի կայացումը:

Վերոգրյալի հիման վրա և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «ա» կետով.

Ո Ր Ո Շ Ե Ց Ի՝

1. Մաքսային ձևակերպումների մասնագետ Խաչիկ Կարենի Սմբատյանի (նույնականացման քարտի համար՝ 003752342) նկատմամբ սկսված վարչական գործի վարույթը կասեցնել՝ մինչև վարչական դատավարության կարգով քննվող գործով վերջնական դատական ակտի կայացումը:

2. Որոշման մասին հայտնել Խ. Սմբատյանին:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ